



介石堂集 詩十

古韻

郭起元

復齋

古今體

上元日魏大方伯招陪蘓常廬鳳四郡伯  
讌集後苑苑為明中山王廢園有亭榭竒  
石公葺新之是夕巖壑間燈光映射與星  
月交輝實勝景云

中山事業在冊府。睽朝陵闕今榛莽。不見攀龍附  
鳳人。但見園池若山。隴滄桑已變崖谷存。危亭圯

介石堂集詩十

一

榭交撐柱。我公保釐旬宣暇。整頓山林復竒古。新  
年報寂五馬來。既省厥成還煦拊。良辰許共東山  
遊。茗碗茶鐺快揮麈。天空無雲玉宇淨。月姊星娥  
降三五。蘭膏火樹射瓊樓。陸海馮夸來擊鼓。熊幡  
魚珮紛前席。北斗斟漿濡萬戶。熙熙同樂登春臺。  
厭厭夜飲停銜鼓。維屏維翰錫龍光。股肱心膂皆  
忭舞。鰕生亦與賓從末。自愧鸞林振毛羽。岩前燈  
月相輝煌。厯厯白榆差。可數清歌妙舞幾。曲終飽  
德醉心頌景祐。但願十風五雨王燭調。天子萬

年常賜。醑。

寄王漢階太史

直從帖括契心源。曩哲風規細討論。海內名流仰  
宗匠。名山大業在微言。已看談藝多群從。去聲又見  
傳經與後昆。自笑簿書叢裡客。猶捺布鼓過雷門。

寄蔡芳三

相逢疑是永和年。雲散風流重黯然。入世人嗔多  
白眼。論文君欲問青天。秋風釣艇思張翰。春草池  
塘憶惠連。寂是音書遠絕處。挑燈還讀舊來篇。

介石堂集詩十

二

寄周白民

震川雖邈有遺音。渾灝篇章物外吟。淮楚雄風君  
樹幟。建陽絕學我同心。一官羈絆難携手。尺素殷  
勤當盍簪。安得春江花月夜。論文醪酒共開襟。

寄陳一山

蘿薜垂垂晝掩門。偶携春屐破苔痕。千花點石紅  
成谷。一水平疇綠抱邨。魚鴈不踈知已在。江湖無  
恙布衣尊。何時訪我東籬下。細雨新詩對榻論。

寄程尊江

程子文章伯。鈞深思不群。汰膚凡幾倍。入木更三分。好尚薰莊列。淹通貫典墳。淮江芳訊至。合取妙香焚。

牘冗滋余瘁。情深奈爾何。醇醪帆送遠。尺素雁飛過。明月一天共。離愁此地多。幾時重把袂。快飲發狂歌。

寄程東起

幾年睽隔嘆離居。鴈羽傳來尺素遲。蕭署霜寒添別恨。梅花月冷寄相思。我勞案牘心常瘁。君對煙

介石堂集詩十

三

霞性自怡。恰喜維揚移棹便。平山堂外再題詩。

夜飲魯雁門山齋

奔走紅塵裡。剛逢此夜談。歌為知己放。句恰古人  
躄看月。休辭五傷春。已到三偷閒。多感慨。吏事獨  
予慙。

未得別金牧初秋夜遙懷

欲別人未見。不得停驂騑。皖江日夜流。龍山空崔  
巍。閒從城闌望。茫茫草露晞。孤鴻向西翔。音問傷  
久違。徘徊仍獨歸。寂寞掩雙扉。思君曷有極。梁月

照容輝。

第一山亭落成開設書院

造物有遺憾。嗟惟淮泗濱。頻年遇旱澇。遠近常苦辛。盱邑灾更劇。比戶多吟呻。余忝吏茲土。痼瘵在一身。鞅掌歷歲時。飢溺始克振。壯哉第一山。南宮題炳麟。淮流左右繞。泗澤何沓沓。風雨山楹摧。玻璃泉就湮。過客來登眺。感嘆蹟已陳。予敢尸此役。萬衆期更新。工料無從賦。多俸不言貧。瓦礫去累累。材木聚頻頻。繚垣周遭築。闌檻曲逕遵。磻甃勤琢磨。丹雘煥重閭。虛堂接崖壁。屏障高嶙峋。古刻蝕苔蘚。洗剔留其真。老樹參天長。旁植松與筠。列石紛詭狀。如獅。席。豹。蹲。山巔冠亭子。遠眺淮河津。長風扇洪濤。千里蕩無垠。碧城十二樓。縹緲現紅塵。選勝啓書齋。冰雪瑩心神。於茲聚群彥。累釋心六純。雲霞生几席。花柳麗陽春。詩書并翰墨。翫味日相親。中和樂職頌。賡唱及良辰。況今支祁戢。河伯勢六馴。願言躋峯頂。竚待占鼇人。

都梁十景步米南宮韻

介石堂集詩十

四

第一山懷古

江北江南數往還。古今人老道途間。劇憐拜石襄陽叟。又到淮西喜見山。

八仙臺招隱

八公遺跡已荒苔。此地仙碁石上開。臺有石碁。稱古迹。向雲中戀雞犬。好憑桂樹賦歸來。

清風山聞笛

柯亭夔竹實堪哀。截管橫吹上古臺。一曲嗚嗚情未已。天風過處鶴飛來。

介石堂集詩十

五

龜山寺晚鐘

天空玉宇湛瓊樓。上界鐘聲徹斗牛。咫尺銀河向東瀉。滔滔入海幾時休。

瑞岩觀清曉

丹爐火燼玉繩低。湖水蒼茫月影微。何處天雞鳴碧樹。朝霞又絢羽人衣。

杏花園春晝

晴光散作四郊春。山谷繁英照酒樽。最喜紅襟雙燕子。銜泥掠過水邊邨。

五塔寺歸雲

五塔基荒雲影低。那堪多化綵虹飛。如今歲旱需君甚。不作甘霖莫浪歸。

玻璃泉浸月

山城處處落榆錢。風浴人來訪石泉。一片空明心可印。鳶魚自在鏡中天。

寶積山落照

巖下爛斑錦石堆。夕春欲下且裴裛。煙雲好處皆詩料。收拾奚囊帶月回。

介石堂集詩十

六

會景亭陳蹟

露白葭蒼無限秋。懷人詩句詠湯休。西風空向淮孺起。只埽浮雲不埽愁。

紀旱行

乾隆八年夏六月蒞盱。無雨齋宿虔禱。士民從者千餘人。旣而微雨降。是秋淮甸皆有旱災。因往歲濫賑。奉文嚴切。州縣懼不敢報。余為民請命。詳報十有八鎮。費二千餘金。民無嗷飢失所。上憲鑒而嘉與焉。噫。

是在為政者自盡其心而已。詩以記之。

捧檄吳楚郊。戴星席不煖。竭來淮南郡。汲深慙綆短。頻年天行沍。茲夏仍多旱。鹽校向齋宮。旦夕憂心瘡。龍女牧未歸。重陰結還散。稍霑陌上塵。尚爨坵中糝。客秋賑賚行。冒濫顏有覿。長吏憚鈎稽。括囊計誠善。無術起瘡痍。刻期徵絲繭。三復春陵行。魯山人已罕。聿予志當官。痼瘵一身衍。民飢即已飢。監門圖敢緩。西江沅可注。涸轍鮒斯轉。岳牧鑿微誠。異風回絕巘。何事屯其膏。秦越視卒瘞。長謠寄此情。歲華空偃蹇。

介石堂集詩十

七

紀蝗行

乾隆九年夏六月。有蝗自昭陽湖。經山陽而來。遮蔽天日。適訥公同督河二憲。入境目擊。諭以撲捕為急。余躬率隸氓。遍歷四鄉。五鼓乘露翅未起。撲捉計升給錢。匝月而蝗報淨。未幾蝻子旋生。復周流無間。撲滅如法。來安高令。妄報蝗生。野羽檄頻下。余幾被彈章。幸士民感泣。同心協捕。



並未傷禾自數年來茲歲始稱大有焉

水族散魚子孽化為羽蟲產自昭陽湖群蜚刺高空塵合淮楚鄉颺轉鍾離封使星乘傳來諭令扼其鋒叫呼千夫力竭蹶百里蹤日入不遑息晨光氣冥濛及此翅尚濡剪撲露草叢升斗積坵山秉昇炎火功作勞予所諳奚分吏與農如何喙子生蠕動畝南東去惡務淨盡捐糜復相從箕翁波何人貝錦萋以蒙妄稱蠡生處乃在盱野中根株見本來護口徒相訐江湖雖萬里天聽達四聰剥復轉瞬間黍苗六九芄野有露廩白甑炊糲經紅報賽捺豚蹄蜡臘慶年豐躋堂一樽酒快澆壘塊胸故山渺雲外夢逐南飛鴻

奉檄署泗州事勸農講約遍歷遠鄉有感

而作

泗疆宋代已流淙明世淮河更激衝聖主殷憂思莫定小臣竭力弼彌縫魚龍去後勤犁耜鴻鴈棲時振鼓鐘父老前來多喜色春生黍谷湛恩濃

和常徵君晚泊盱眙

淮流多穢舫。官舍最清幽。俯下河為界。憑高石作  
城。浪翻蛟躍舞。霜警鶴飛鳴。遙想詩人意。懷鄉無  
限情。

和歐陽文忠公登瑞岩用米南宮韻

何處峻嶒天外巖。片帆終日水雲間。奔淮溢泗疑  
無地。出汴浮河忽見山。文似歐陽身更瘁。癩如米  
老涕猶潛。丹臺碧觀空璀璨。不得携琴自往還。

和蘇東坡過淮韻

篋舫浮淮過湖雲。望渺然向城先見塔。入院喜聞

介石集詩十

九

泉。吏習民風樸。心惟詩酒偏。醉吟坡老句。真意到  
今傳。

和梅聖俞初見淮山韻

宋室昇平日。都官時往還。船頭徐出汴。開口忽逢  
山。鷗鳥忘機久。雲泉任意閒。那堪南渡後。劍戟守  
林間。

制府尹公巡行泗盱周諮民瘼賑貸兼行

感賦一首

河水從高下。縱橫瀉不窮。吞淮兼接汴。溢泗復連

豐蕩析黎民。患艱憂。聖主衷。經營勞副相。康濟  
賴元公。冰雪除供帳。波濤掛箭篷。周諮鳩鴈戶。爰  
度奠鮫宮。土銚煙光起。蓄田膏澤融。賑行還惻惻。  
種播已芄芄。勉爾期寧止。欽哉在亮工。明良徵一  
德。懋績勒華嵩。

簡姚道充太守

清華門第擅江東。才藻翩翩望更崇。雅佩正宜金  
絡索。清音好聽玉玲瓏。南來白苧新篇艷。西上蒼  
梧古調工。為問龍眠老居士。何時畫裏一樽同。

介石堂集詩十

十

簡方方齋觀察

清門世德羨無瑕。視草還承上苑花。水部吟詩高  
鄴杜。烏臺建節靖南華。辭榮不羨勳名赫。初服仍  
看嘯詠嘉。視我一官塵鞅絆。相思何處託薰葭。

簡方南堂隱君

公餘官舍冷逾冰。三復君詩輒未能。真意自同袁  
海叟。古懷如對杜茶陵。百年閱歷浮雲幻。此日空  
明萬象澄。南極少微星正麗。寄言願養與時增。

簡洪太史

幾年鄉曲共題襟。今日飛鳴集上林。綠筆已看齊  
琬琰。絳帷又欲振球琳。如君應授和公鉉。顧我深  
慙宓子琴。翹首雲山邈千里。何時鉛槧許相尋。

簡張希周太史

龍劍光芒射斗樞。一朝騰躍上天衢。綠知卓識歸  
宗匠。太史為  
堂師獎拔力始。信鴻才異小。儒養望更期成  
碩德。致身還自展。訐謨相思愧乏瑤華贈。惟有冰  
心對玉壺。

簡程南耕

介石堂集詩十

十一

新安家世秣陵居。門外時停長者輿。策為蒼生同  
賈誼。賦干明主似相如。紅蓮幕下容清嘯。黃石山  
邊好著書。為憶別來眠食健。頻將錦字寄江魚。

簡侯夸門

天台仙客下塵寰。嘯竹哦松盡日間。結契劇憐無  
縞帶。盟心相證有青山。宦途似我應呵拙。詩卷煩  
君為砭頑。莫道江淮風土隔。清宵常得夢魂還。

簡吳劍虹侍御

看君丰骨本珊珊。幾載飛騰侍從班。烏府風清飄

牙繡竹林興劇。掩花關。劉伶頌酒非耽醉。山簡論  
才好是閒。為問延陵腰下劍。龍光應徹斗牛間。

簡吳茹原學士

石渠聲望羨無倫。誼忝葭莩仰後塵。豈但文詞資  
鼓吹。要令元化轉陶甄。幾年讀禮依林阜。此日談  
經贊黼宸。冰雪漸消春信到。梅花好寄一枝新。

寄懷賀嶺木進士

研丹削素見交情。冰雪前途憶去旌。明月又臨淮  
水滿。落花空與石牀平。濟時經術君方展。拙宦崎  
嶇我獨行。五十年華霜鬢在。相期斗酒共聽鶯。

介石堂集詩十

十一

上河院顧公

日麗扶桑。谷霞明析木。津混同江。涵秀氣長白。挺

精神。名世生周孔。元臣誕甫申。微言聞至道。雅望

表群倫。朶殿朝參蚤。期門眷顧親。龍文輝黼繡。

鳳采掞絲綸。裕國倉儲急。持籌輸挽頻。公前任  
總漕 獬

冠殿簡在。旌節正時巡。珠粒干航。轅冰心一片。貞

淮南集。噉鴈江介潤。頰鱗河水從天下。隄防自古

陳。安瀾欣有慶。善後可無人。異命重敷澤。坤輿載

沛仁玉筍書更啓。金篋蘭常新。庠定。蠶。蠶窟。綉。繅。  
風。雨。晨。節。宣。調。六。氣。疏。築。鞏。千。屯。宅。隩。應。歌。禹。堯。  
苗。合。頌。郇。鯤。庭。開。壽。域。鰲。極。轉。洪。鈞。末。吏。盱。山。下。  
九。封。泗。水。濱。儒。衣。慚。樸。遯。民。室。歎。沉。淪。拯。溺。侵。星。  
出。驅。蝗。微。迳。遵。三。年。甘。竭。蹶。七。尺。飽。艱。辛。仰。企。層。  
霄。迴。何。由。倦。羽。振。衆。材。歸。匠。石。庶。彙。藉。陶。甄。併。覆。  
恩。難。量。生。成。澤。更。勺。柯。亭。憐。覆。竹。車。軸。憫。勞。薪。遇。  
主。時。將。晚。懷。賢。意。未。伸。願。言。敷。雨。露。小。草。被。陽。春。

輓大宗伯張清恪公

介石堂集詩十

三

余少為諸生，受知撫軍儀封公，招入鰲峯書院，脩輯性理諸書，函承指誨，開示蘊奧，及公調任江蘇，手札下頌，慰勉諄切，時蒙逢人說項，吹噓獎借，愧荷交并，忽聞仙逝，失所依歸，不勝典型徂謝之歎，自慚不文，不足闡揚盛德，詩以誌哀云爾。

宇宙有正氣，浩然塞寥廓。在天為星辰，在地為河嶽。偉矣儀封公，稜稜森噴薄。清忠本性生，剛介嫉邪惡。批鱗遇雷霆，履尾擅搏攫。出險賴聖明，黑

白終昭灼。憶當撫闔時。繡斧靖鯨鯨。養民兼育才。  
鰲峯闡正學。搜羅到下士。微言啓扁鑰。薪傳幸不墜。  
宗仰欣有托。及移吳中節。謨猷益恢擴。丹心照殿陛。  
巽風被岩壑。瑤翰雲際頒。誨言勉追琢。寒峻被寵光。  
感激思踴躍。九重眷顧殷。京庾籌獨渥。春卿秩載崇。  
百僚師矩矱。哲人黃髮期。云胡忽隕籜。泰山梁木悲。  
朝右氣蕭索。盡傷遍海內。士類淚盈握。緬昔侍絳帷。  
音容宛如昨。師資以事君。報稱尤慙怍。欲賦七哀詩。  
清風滿齋閣。

介石堂集詩十

十四

輓大中丞陳清端公

清恪公調江蘓。清端公撫閩中。延梁邨蔡公。掌鰲峯書院教事。檄各屬遴選文行。兼優者肄業。余在院。荷清端公國士之目。公以勤勞卒於官。感知慕德。泫然而著於篇。不計其詞之工拙也。

張陳兩鉅公。貞介無比倫。霜臺煦冬日。先後惠南閩。是時西山裔。理學振海濱。雲龍倏然合。鰲峰教命申。予祖漢有道。領袖名流人。顧惟下里姿。獲與

大賢親心期。矢金石。賡唱鳴韶鈞。處囊雖脫穎。在  
樞驥超群。燈火用三冬。琴書樂好春。斷齏畫粥。供  
齋館共清貧。冰操達九重。綸章寵錫頻。稜稜岱  
嶽峻。郁郁樹蘭芬。誨言黜浮華。敦勉學行淳。珪璋  
自特達。要歸不緇磷。云胡北風涼。魚龍嘯通津。驚  
心天柱折。兩泣遍島民。天下第一清。瞽宗蘋藻陳。  
生平知己感。酬酒重酸辛。

輓梁邨蔡夫子

梁邨太翁任羅源學博。大中丞清恪公延

介石堂集詩十

五

為鰲峯山長。余受業其門。逮太翁歿後。清  
端公撫閩。梁邨掌鰲峯教事。余又受業焉。  
雍正十年。梁邨仕京邸。家屬在閩。為讒人  
誣搆。遭繫。余左右周旋。并被羅織。相國高  
安公。宗伯望溪公。以予不負師門。咸嘉歎  
焉。事白。予入都。而梁邨已棄世五日。誌哀

一首

惟民生於三事之則如一。輓近風俗頹師弟倫先  
失。漳濱有著儒。伏勝田何匹。道契儀封公。允推多



士式。鰲峯懸絳帳。子衿森環立。余方羈貫年。惠風  
欣披拂。典型傷徂謝。象賢更傑出。瀛洛關閭間。研  
精臻閭闕。顧余衣鉢傳。再世情逾密。文行相砥磨。  
數學期不忒。公升青雲路。遂簪鸞臺筆。聖人端  
本時。經筵資講習。小心溫室樹。恪謹南宮值。三命  
滋循牆。萬石家風飭。世途多險巇。邪正原相嫉。豺  
孫藏倉輦。讒言真罔極。霾霧塞太空。含沙恣水蟻。  
羅鉗吉網中。親故咸走匿。余惟古名義。是非需一  
直。舉幡訟司隸。腰鑕就請室。終焉覲聿消。皎日無  
虧蝕。當代兩鉅公。感激三歎息。發憤非為名。忠耿  
率胸臆。擔簦向燕臺。函丈展芸帙。山頽梁木傾。吳  
天胡不恤。慟哭旅殯前。戒途緋誰執。千年鶴歸來。  
蒼茫數郵駟。侯芭負土心。敢為師門泐。所幸貽謀  
長。鳳毛光綸紱。作傳擬河汾。易名還表德。

輓張葯園少宗伯

九年教澤洽江東。名德如公孰與同。孔思周情綿  
絕學。臬賡益贊暢仁風。日星並麗經綸業。淵谷如  
臨夙夜哀。遠道驚傳山木嘆。淚隨江水去無窮。

輓余古田祭酒

閩中台輔鬱相望。俎豆如公信克當。學本躬行先  
孝悌。教從心得啓文章。南邦多士欣瞻嶽太學諸  
生歎望洋。欲採藻蘋何處薦。空山松柏下寒霜。

憶先府君

先子拙溪公。潛心舉業。兼明法律。嘗應聘  
臬幕。見善勇為。未幾辭去。家居課起元以  
砥行立名。卒年七十有二。里人稱善士云。  
先子少也孤。老成是則倣。中年淹經史。英氣蜚學

介石堂集詩十

七

校餘閒集律令。陳臬非所好。使者幣聘來。入幕但  
清嘯。時時聞祝網。生意回大造。引身歸田廬。丁寧  
式穀教。家脩而廷獻。言行惟慥慥。行年逾杖鄉。徂  
逝光弗耀。嗟余作吏來。坵壠罷親掃。明發懷故山。  
浮雲黯林嶠。

憶先母

先母陳太君。資性聰敏。女紅之外。嫻習書  
史。家貧紡績。延師教起元讀書者三十年。  
壽七十卒。著有蘭居詩草。

先母大家範。習禮明風詩。珩璜播徽音。蘋藻無不宜。誕予徵吉夢。元首繪門楣。

先母誕予時夢室中。扁上畫一人首。故錫。

予名曰起元。

相望掇巍科。拮据延名師。紡車三十載。脩

脯勉支持。誰知困場屋。遇合慳數奇。仁慈天海涵。鞠育到孫兒。寸草榮春暉。荏苒不自知。幸屆古稀年。忽遭風木悲。光陰去如駛。往悔安可追。今有考。勗。羨。傷。無。母。氏。遺。三。復。陟。岵。蒿。沒。齒。以。為。期。

### 憶兄約園

約園登癸巳賢書。余少時嘗就請業。癸卯

介石堂集詩十

六

春卒於蘇郡客邸。繼子六亡。孀嫂無依。余分俸以資其生云。

物生初必蒙。啓迪端賴師。其事並君親。世人多乖離。約園吾故兄。受業羈貫時。往來三十年。相從無盛衰。云胡公車上。蘇郡轉靈輒。蕭蕭素旒搖。淄淄寒潮遲。厥嗣仍天歿。熒熒泣孤嫠。余時為諸生。叩橐相贈遺。今有俸可分。贍給固其宜。士各敦古處。風俗庶少裨。

### 憶先姊

姊諱元美年十九遠林氏經歲夫亡欲以身殉目誕姪未敢及生女週月屬於姑遂沐浴閉戶題詩於壁自縊紳士僉呈請

旌格於成例隨荷憲恩建節孝祠給匾以時祭祀  
二姚昔慕舜遠死南湘濱至今黃陵廟淚竹血猶  
新吾姊好讀書事必師古人十九遠林門听天忽  
就淪伯道竟無兒自傷生不辰感念同衾義畢命  
朱絲緡絕筆題粉垣銀鈎多炳麟身化望夫石心  
同精衛塵直道民心在祠宇照千春迢迢關山遠  
何時脩藻蘋

介石堂集詩十

九

哭二弟五弟

二弟字升侯五弟名鍾元事實詳詩內

二弟諳經史屢困舉子場舍之就韜幹厥嗣六奮  
揚謀生萬里道鯨波快回航

弟曾遠  
中山國

喜有六男兒

嶄然頭角張行年當半百告婦介壽觴誰知竟殞  
逝惻愴摧衷腸五弟雖庶出十齡頗調良事嫂猶  
如母携來西江舫随嫂六俱逝天折真可傷  
然剩一老形影獨徬徨

悼元配黃孺人

孺人性純孝端肅歸余門事舅姑極盡孝  
敬和於妯娌待妾媵以慈余宦南省孺人  
悼遠跡家居及任太湖始迎以來竟歿於  
西江舟中扶柩歸尚未葬焉

德曜矢齊眉少君誓偕老嗟余牽塵鞅累子困綦  
縵憶自于歸時雞鳴歌起蚤高堂潔滄澗祀事供  
蘋藻妯娌多雍和鵠原藉坵嫂慈祥能遠下小星  
衾常抱我壯思致身子猶戀砧藁既栽河陽花爰

介石堂集詩十

二十

上西江道德音期來括玉女峯先倒窰窰待何年  
同穴相保

悼側室林氏

林氏良家女年二十歸余襄理家務侍先  
太君湯藥惟謹余宦遊氏侍黃孺人在家  
及任太湖迎黃孺人暨氏偕來孺人病舟  
中氏籲天願以身代及卒而氏以追念黃  
孺人故成疾未半載而卒人咸稱其淋行  
云

從來妾媵輩。爭妍而取憐。春秋戒奪嫡。防閑自古傳。人性固不齊。氏也稱獨賢。入門理家務。井臼操持便。先慈迫桑榆。湯藥侍幃前。自甘綠衣兮。贊調琴瑟絃。嫡庶共室居。始終無間然。嫡危顛身代。未父殉黃泉。縷裙已布施。少君術。虛懸空。留錦瑟。意促柱。思華年。

秋夕介石堂小飲

夕陽高閣影沉沉。簷鐵吟風應遠砧。雨霽客尋彭澤菊。月明人弄步兵琴。荒城宿雁斜投浦。靜夜驚烏只遶林。無限秋懷一樽酒。醉中還動十年心。

介石堂集詩十

三

寄蔡譽綰

南塘春漲一篙輕。匣劍囊琴趁曉行。嘉遯豈同秦二士。授經還似漢諸生。青山對酒梅花發。絳帳談文夜月清。期爾尚逢裙屐到。林間幾度聽啼鶯。

黃在乾進士見過盱署

我在江之北。君從何處來。談深容慷慨。署冷任徘徊。碧月一天淨。孤雲數鴈迴。漫驚梧葉落。秋色上庭槐。

贈別秦笏齋孝廉

蘭陵風雅夙知名。攬勝遙為泗上行。第一山頭泉石古。前三月裏客衣輕。詩篇重繼襄陽興。投贈難忘淮海情。歸路桃花明月麗。竹西歌吹和新聲。

贈別韓伯慧

湖水沿堤漲。山區好客來。囊携冰雪白。胸有治安才。吏部家聲古。冬郎雅詠催。慚余枯朽質。何以報瓊瑰。

學舍先生賃。寧親愛日恬。青苔吟謝眺。明月錦夢江。介石堂集詩十

三

淹。傾蓋情何極。臨歧韻更拈。幾時共尊酒。風月漾疎簾。

同徐星友遊第一山玻璃泉亭

遵渚澹容與。及郊曠清目。迴飈轉石林。碧雲蕩幽谷。窈然清虛境。漱流頽露沐。風浴詠歸人。黃農意白足。是時澄湖靜。薄霞復歛靄。翠羽掠明鏡。寒梅吐香玉。願携蘭皋佩。來就滄浪宿。白駒志懷賢。緇衣念肯綮。千載山阿中。遥遥俟嘉告。

入聲

復齋與余束髮以詩文投契今各華顛始見復

齋為詩沿波討源截斷衆流四十以後別裁偽  
體轉益多師直登作者之堂乃猶虛懷若谷商  
訂於侯子夸門方子方齋蔡子芳三徐子星友  
諸君前後汰其原稿十之四編次為十卷其存  
者皆荆玉海珠崇蘭竒木也惟是詩之用韵代  
各不同先輩朱錫鬯與魏善伯論韵書言唐韵  
本陸法言作孫愐刊定今二百有六部其書今  
已無存淳祐中平水劉淵并為一百有七部唐  
代用之古人兮韵雖嚴通用甚廣蓋嚴則韵之

介石堂集詩十

三

本位不喪通則臨文不至於牽制其說當矣校  
閱之下悉遵平水韻核定并附記之

漳平陳廣  
一山跋



序

閨閣之能詩舊矣故詩云女子善懷而思婦之詞采風必錄雖聖人有取焉詎此發於不自己之情而要歸諸中正者與

拜母名家女尚讀書聰敏若與此然循母教敦內則未遑詩也自時

厥後佐孝母四十餘年則躬自作苦  
顏藝魚菘以共孝養織任組紃以  
薦女功玕璣琚璫以來嘉客其勤  
且勞如是今年幾七十矣四男子卓  
然自樹立家婦介婦亦競服家政  
細大畢備中外具減於是始得含飴  
弄孫以優游獻飲於屬聲比律之

間而自娛以老也間出百十篇示余余  
皆有感而鳴平正通達視乎香奩  
織纓鹿裘之音遠且間矣余更擇  
其尤馴者凡若干首著於篇物有  
一少為貴者精故也嗟夫易云無攸  
遂在中饋小雅斯干之萃章曰惟酒  
食是議始婦職也今

拜母克彈厥職因者所負遠既老  
乃始有事於詩而詩之復可誦而傳  
也如是雖古之所稱泮媛而善吟者  
其能少過也與辛丑春正月望日夫  
始書禪雅好書於臥湖竹屋



蘭居吟草

三山左芬侍史陳玉璫藁

夫姪書禪郭雍校定

把鏡

把鏡驚裏髮。華年嘆白頭。襟懷流恨滿。兒  
女未能休。露冷蟲悲砌。霜飛鴈泣秋。何當  
吹鐵馬。喧透入重樓。

次姪桂儀春日韻

時泰文章重。年芳釐宇新。花香過繡幕。樹  
影映芳鄰。蕉雨迎輕翠。松風掃宿塵。一庭  
吟思遠。春去不知貧。

題畫美人

阿誰獨立鎖。霞眉倚遍朱欄。月到遲暗。數  
落花春欲去。擬隨戲蝶。少將移芳心脉。

能無語。愁思盈盈。想自知何處相逢。曾記  
得。柳塘。惆悵暮烟時。

菊

黃菊傍東籬。蕭蕭晚自持。情幽兼露淨容  
淡。獨霜知。翠向佳人髻。香飄酒客卮。臨風  
還掩映。秋老若為悲。

哭亡女元美

秋風秋雨紙窓鳴。冷落殘燈暗復明。猶憶  
舊年相對燭。夜深同放剪刀聲。

憶亡女

寒。閨。寂。月。溶。恍。惚。魂。歸。獨。夜。鐘。何。事。  
幽。貞。偏。賦。薄。一。堆。玉。骨。白。雲。封。

次韻遙贈太平驛題壁女子

征塵青鬢強輕粧。幽恨終披墨瀟香。蝴蝶

夢歸江草合杜鵑啼切海雲長愁淡桃葉  
三春波曲斷梅花九折腸煙路蒼茫人已  
去空餘惆悵驛亭涼

是女殆小青類耶小青得屠緯真點綴  
遂使子虛烏有馨欬如生筆墨之造人  
也如是今讀此詩  
又不能無感矣

### 秋晚寄懷八首

書禪讀

四女元琛遙在粵西睽違七載靡  
日不思心緒糾紛夢魂顛倒况當

秋杪情見乎鮮語多重疊篇不詮  
次匪云雪咏聊代鴻書云爾

井梧葉落滿庭幽悵汝天涯七載悠一枕  
夢隨千里月半窻風動五更秋猿啼白露  
迷高樹鶴唳清霜過小樓未卜重逢何日  
是不堪飛雪已盈頭

蒼：白髮不勝愁甲子重週志未酌一夜  
金風霜匝地數行塞雁淚悲秋書散到枕

驚殘夢。螢火穿簾映。斷鈎欲語深。閨驛路  
遠。蕭條寒月滿。重樓  
重樓對月倚欄干。秋色橫空灑淚看。野寺  
疎鐘催露早。遙村紅葉擁霜寒。拂箋托意  
詩添瘦。當檻還愁菊易殘。忽見飛鴻向東  
去。聲、倩寄報平安。  
平安欲寄片雲遐。望眼靈岩淚轉加。七載

書稀疑過雁。五更夢斷。啼鴉憑將離緒  
題桐葉。忽動新愁賦。菊花回首當年吟絮  
日。可堪惆悵遠。悲笳  
悲笳何處動。淒其再、年華望裏移。雲水  
蒼茫天柱遠。夢魂飄渺海邦遲。月明簾薄  
窺愁鬢。楓重秋深老。醉枝叢是鵲聲。知別  
恨頻、簷外語歸期。

一。望。歸。期。路。轉。長。茫。茫。煙。樹。對。殘。陽。牢。愁。  
滿。抱。紛。如。草。短。鬢。經。年。盡。化。霜。半。枕。迷。離。  
蝴蝶。夢。尺。書。寡。落。雁。鴻。鄉。未。知。別。後。能。無。  
恙。極。目。江。天。幾。斷。腸。  
百。結。愁。腸。寫。波。篇。幾。回。驚。夢。攬。歸。鞭。八。千。  
里。外。思。親。切。十。二。時。中。憶。女。牽。水。落。灘。江。  
魚。陣。杳。霜。橫。湘。浦。雁。行。偏。烟。雲。鎖。斷。關。山。

五

月。白。髮。悠。悠。望。眼。穿。

望。眼。悠。悠。落。月。遲。登。樓。病。莫。憶。秦。池。承。歡。  
官。閣。千。峰。迴。繞。夢。家。山。兩。地。悲。日。近。青。陽。  
催。歲。老。風。飄。白。雪。點。離。思。何。年。梅。報。春。消。  
息。萬。里。人。歸。故。國。時。

憶。女。八。章。首。與。腸。迴。靨。俱。淚。迸。所。云。情。  
見。乎。鮮。信。也。臨。風。披。誦。悄。然。以。悲。况。粵。  
西。陲。好。乎。知。其。必。  
捧。書。而。雨。泣。矣。  
書。禪。讀。

湧泉寺

夾道松林獨鳥喧。碧山相對共忘言。回看  
斷嶺驚人險。歷遍巉巖見佛尊。極目察天  
雲入谷。安禪初地石。為門高。裏延佇頻西  
望。月色溶。一水痕。

唱水巖

湧泉寺外石痕開。一唱長留萬古猜。曲澗

蒼茫雲欲渡。重巖空翠字。餘苔水無宿。處  
煩龍咽亭到窮。時却鳥迴頓覺此生真。幻  
寄。好將白髮任徘徊。

白雲洞

臥雲深處散花天。山徑崎嶇杖策前。十笏  
蒲團傳法戒。三乘貝葉悟真玄。定中龍象  
長馴擾。空裏松筠覺麗妍。人事升沉類蓬



轉欲尋真諦學參禪

上恒濤和尚

蕭然一衲老江天。誰識真持面壁禪。  
毒龍歸有定。化野馴鷓得忘筌。精魂不着  
三生石。淨體渾如九品蓮。始信心通天白  
格。續紛花雨落無邊。

右四首領解真空。超然無着。如歷遍峽  
巖。見佛尊壽者相也。空裏松筠覺麗妍。

七

色空相也。精靈不着。三生石無我相也。  
出入三乘。幾與潭影空人心。禪心超忍。  
辱語爭奇。勝於毫釐。間吁斯。書禪讀。

鸚鵡

細羽閒梳點。口脂白呼。自應曉晴時。摩禽  
莫妬殼真巧。造物偏鍾質。評奇棲穩碧欄  
春。漸度啄殘玉粒味。還滋雪衣。幾日開金  
鑰也。逐芳風上鳳池。

過精實庵

師坐蒲團破。吾今欲問禪。秋聲迎夜急。月氣遠林牽。微梵觀心了。清鐘覺地偏。悠然叅象教。詎忍遽歸眠。

白燕

春社寧鮮海路多。梨花深院惹愁何。化工自不勞銀剪。素影真堪拂玉珂。蕙質憐渠

霜外瘦。羽衣忘却月中過。翩翹碧練光無定。鎔落明珠點點波。

懷次兒之中山國

極目南天望北風。春花開遍未迴篷。謀偕卜筮猜難定。氣變星霜夢已窮。孤島渺茫雲影斷。故鄉淒切旅心同。自憐老病迷愁思。雁杳魚沉兩不通。

自題小影

敢道尋常欲格天。自憐曾歷歲寒堅。十年  
夜織隨篝火。幾度朝飢奉豆饘。風志依然  
忘鬢雪。丹青豈易寫心田。黃花入眼秋風  
老。閒督兒曹希古賢。

勦子

黃卷研心迥不磨。青雲飛足總無他。英華

銷歇隨年去。枯落嗟傷奈汝何。

訓女

姊妹無荒女。史箴蘋蘩紡績大家情。春華  
方去秋風動。玄鳥歸蟪蛄鳴。

雪

歎忽乾坤合。寒光徹繡帷。庭前珠作樹。簾  
外玉為墀。凍鳥飛皆盡。殘梅望欲迷。凭欄

思燕市孤幌擁裘時。

得三兒瀚元都中書

一紙鴻書下朔風。客愁多病思何窮。寂寥  
孤榻家千里。迢遞寒江月一篷。裏柳望迷  
殘夢亂。羈禽啼斷曉山空。誰憐勲業留琴  
劍。回首高堂鬢久蓬。

菊屏次韻

一庭秋色繞籬東。羅列天然綴錦蒙。雲母  
影流幽徑裏。水晶光映曉池中。誰家載酒  
迎袍綠。幾處繁英擁帳紅。仙露霏微香染  
袖。頓疑朱紫滿春風。

中秋夜寄懷三男

碧漢晶瑩晚靄收。愁人倚月思悠悠。寒輝  
獨映千峰冷。素練空盈一徑幽。疎竹影搖

黃。葉。亂。層。臺。魂。斷。白。雲。浮。滿。懷。離。恨。書。難  
盡。極。目。蒼。茫。鴈。泣。秋。  
蕭。蕭。木。葉。下。汀。洲。蟾。影。踈。簾。已。上。鉤。遠。笛  
迴。腸。裁。錦。字。高。風。吹。雁。過。粘。樓。人。送。鴈。關  
驚。千。里。月。冷。龍。江。恰。半。秋。傳。語。天。涯。寒。雨  
夜。莫。將。慈。句。對。燈。愁。

香。飄。蘭。桂。滿。庭。幽。寂。莫。凭。欄。看。斗。牛。宿。鳥  
魂。驚。明。月。夜。啼。猿。散。斷。暮。雲。秋。誰。家。長。笛  
調。新。曲。幾。處。清。砧。搗。別。愁。對。此。平。添。衰。鬢  
恨。天。涯。兒。女。到。心。頭。

臺警

瘴。海。兵。初。弄。臺。城。忽。已。遷。倉。皇。征。馬。亂。淒  
切。羽。書。傳。殺。氣。驚。極。烏。忠。魂。慘。暮。烟。佇。看  
烽。火。息。還。見。太。平。年。

九日夫姪書禪全男震侯外姪允思

登臺賦詩偶爾次韻

忽。驚。秋。老。登。臺。極。望。清。風。高。征。雁。杳。煙。  
淨。遠。峰。迎。白。髮。催。年。暮。青。雲。對。眼。生。一。杯。  
泛。蘭。菊。聊。復。寄。陶。情。

聞酴醾

粧樓簾捲靜無煙。拂。清香。到。榻前。最是

一。番。新。雨。後。酴。醾。架。上。月。初。懸。

折梅

春風漏洩不知寒。雪裏花開仔細看。折得  
一枝香馥郁。夜深同伴倚欄干。

得三男都中書有慨

十載長安客路悠。幾回凝望朔雲浮。霜蹄  
肯墜天涯氣。焦尾誰憐爨下愁。桃葉參差

虛夢渡。杏花零落過殘秋。微名莫。憫霜頭。  
老。五戰金臺竟未酬。雖是青雲未許遊。詎拋書劍逐商舟。莫疑  
世事金裝裏。任笑長安季子裘。

登臺

久病臺荒杖策前。登臨空復對寒烟。夕陽  
野外羣峰迴。歸鳥天長遠。樹連望斷海隅

思女切。秋深雁影杳書傳。何堪白髮還添  
恨。滿目黃花又一年。

長至有感

此夜陽迴百卉萌。凍雲陰雨若為情。南枝  
梅好應舒艷。東塢苑融可吐英。日月蒼茫  
人事老。琴書寥落鬢霜生。不知鶯語春風  
動。能遣堦前綠滿盈。

梅

羣花蕭瑟獨凝芳。落。幽姿傲曉霜。淺漏。  
春光香。欲澹生侵雪。色味何長。清笳吹徹。  
關山月。粉額飛添漢苑粧。相對含青正無。  
限。嶺頭知斷幾人腸。



此復齋郭明府 尊慈陳太夫人之送什也太夫人  
以鵬山靈氣螺水清源系出太邱蚤擅采嘉之譽于  
歸有道克諧靜好之休恩勤鞠育啓三世之燕貽練  
達機明新百年之堂構賢聲久溢於閭城泚行昭垂  
於彤史無煩摹繪莫罄掬揚迺以性耽文籍雅愛詩  
篇翡翠織簾映春花而點筆琉璃籠硯臨秋水以抄  
書得句與珠荔爭輝摘詞較金荃競麗特引無非無

儀之例置諸不倫不議之條速乎花甲已週所歷荒  
枯殆盡思中卽兮海外望予季子燕都長姬殉節於  
柏舟少女隨夫於桂嶺黃塵無掃愁之竹碧霄有離  
恨之天於是孤桐片玉響潁發而淒清玄燕來鴻音  
塵杳而悲懷情根萌折性腑纏綿此因河梁惜別之  
遙抑六雲兩嶽歸之感也若迺咏南陵之愛日花間  
時御板輿訂北堂之新詞燈下常披古錦和平還於

性始風雅屬諸天倫詢詩可歌可絃有曲有則者矣  
至夫塵氛淨洗逸興道逸於閭風而步層城漱澗泉  
而擗石髮固將皈心紮竺澄悟維摩魚山月皎聞梵  
唄之泠泠他風柔聽歌音之嫋嫋遠追黃竹於瑤  
臺近叶雲漱於蓬島矣屬以使君淮濱製錦聿余剪  
氏泗上歸囊珥函乍啓窅窅蘭麝之芬瓊笈初開灼  
灼珊瑚之燭龍聲戩於腕底挫波寧於毫端蓮華世

界非闕裁紅暈碧之情海墨因緣善作怨鳥啼花之  
態以我道心契茲仙趣爰綴言於末簡致私淋之癖  
香敢云後起聊誌前徽云爾芙蓉江上女子吳芝田  
謹跋



